



ვოლოკოლამსკის მიტროპოლიტმა ანტონიმ ბელგრადში საპატრიარქო ლიტურგიაში მიიღო მონაწილეობა



სსკვ-ის კომუნიკაციის სამსახური, 26.02.2025. 2025 წლის 26 თებერვალს მოსკოვის საპატრიარქოს საგარეო საეკლესიო კავშირების განყოფილების თავმჯდომარემ, ვოლოკოლამსკის მიტროპოლიტმა ანტონიმ მონაწილეობა მიიღო საღმრთო ლიტურგიაში ტაძრის დღესასწაულთან დაკავშირებით ახალ ბელგრადში, წმინდა მღვდელთმთავარ საბა სერბის მშობლის, ღირსი სვიმეონ მრონმდინარის ეკლესიაში. ღვთისმსახურებას უძღვებოდა სერბეთის უწმინდესი პატრიარქი პორფირე.

მის უწმინდესობას ასევე თანამსახურებდნენ მორავიჩის ეპისკოპოსი ტიხონი; მოსკოვისა და სრულიად რუსეთის პატრიარქის მრჩეველი დეკანოზი ნიკოლოზ ბალაშოვი; სერბეთის მართლმადიდებელი ეკლესიის წმინდა სამღვდელთმთავრო სინოდის მთავარი მდივანი, არქიმანდრიტი ნეკტარი (ჯურჩი); ტაძრის წინამძღვარი, საპატრიარქოს ადმინისტრაციული კანცელარიის დირექტორი, არქიმანდრიტი დანიელი (გავრანოვიჩი); სერბეთის პატრიარქის კაბინეტის ხელმძღვანელი, დეკანოზი გიორგი

სტოისავლევინი; ბელგრადის სამღვდლოება.

საღმრთო ლიტურგიისა და სერბეთის ეკლესიაში მიღებული კოლაჩის კურთხევისა და ქრის რიტუალის შემდეგ, უნმინდესმა პატრიარქმა პორფირემ მორწმუნეებს ღირსი სვიმეონ მრონმდინარის ღვანლის შესახებ ქადაგებით მიმართა.

მისი უნმინდესობა ასევე მიესაღმა რუსეთის მართლმადიდებელი ეკლესიის დელეგაციას და სიხარული გამოთქვა საღმრთო ლიტურგიაზე ერთობლივი ლოცვისთვის. „ჩვენ ერთად ვლოცულობთ ღმრთის მიმართ, რადგან ეკლესია ერთია და ჩვენ ყველა ერთი ხალხი ვართ, ერთი სისხლი და ერთი სხეული ქრისტეში. გარდა იმისა, რომ ჩვენ ბიოლოგიური ფესვებით ძმები ვართ, ამავდროულად ისტორიულად განუყოფლად გვაკავშირებს ერთი სული, ერთი კულტურა, ერთი მართლმადიდებლური სარწმუნოება. ამიტომ მადლობას ვუხდით მოსკოვისა და სრულიად რუსეთის პატრიარქ კირილეს, იმისათვის რომ გვაკურთხა, რომ დღეს ჩვენთან ყოფილიყვნენ მისი წარმოგზავნილები“ – განაცხადა პატრიარქმა პორფირემ.

თავის მხრივ, ვოლოკოლამსკის მიტროპოლიტმა ანტონიმ სერბეთის ეკლესიის წინამძღვარს უნმინდეს პატრიარქ კირილესგან გადასცა მტკიცე ძალების, ჯანმრთელობისა და სანინამძღვრო მსახურებაში ღვთის მრავალშემწეობის გულწრფელი სურვილები, ხოლო მთელს ღვთისმოსავ სერბ ხალხს – მშვიდობა და კეთილდღეობა.

იერარქმა ხაზგასმით აღნიშნა, რომ საღმრთო ლიტურგიის ერთობლივი მსახურება თვალსაჩინოდ მეტყველებს რუსეთისა და სერბეთის მართლმადიდებელი ეკლესიებისა და იმ ხალხების ერთობას, რომლებსაც ისინი ემსახურებიან.

ფოტო სერბეთის მართლმადიდებელი ეკლესიის საიტიდან